



Broj: 57-2/21

Sarajevo, 16.11.2021. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Parlament Federacije Bosne i Hercegovine

DOM NARODA

N/r Predsjedavajući

Gosp. Tomislav Martinović

Hamdije Kreševljakovića br. 3, 71000 Sarajevo

Primitjeno: 17-11-2021			
Org. jed.	Broj	Priloga	Vrijednost
02	-02-	705	118

PREDMET: Dopuna prijedloga za izmjene i dopune NACRTA Zakona o zastupanju u osiguranju i posredovanju u osiguranju i reosiguranju - naš dopis broj 45-2/21 od 27.09.2021. godine

Poštovani gosp Martinović

Dostavili smo Vam dopisom 45-2/21 od 27.09.2021. godine Prijedlog izmjena i dopuna Nacrta Zakona o zastupanju u osiguranju i posredovanju u osiguranju i reosiguranju, koji je pripremljen u tijelima Udruženja društava za osiguranje u Federaciji Bosne i Hercegovine, kao predstavnika struke osiguranja, te usuglašen i kroz konsultacije sa Agencijom za nadzor osiguranja FBiH. Predmetni dopis dostavljen je i Federalnom ministarstvu financija pod brojem 45/21.

Nakon dostavljanja navedenog Prijedloga, uočena je potreba da se dostave i dodatne dopune Prijedloga, a koje se odnose na položaj banaka i mikrokreditnih organizacija u okviru Nacrta Zakona o zastupanju u osiguranju i posredovanju u osiguranju i reosiguranju. Sukladno tome u prilogu Vam dostavljamo dopunu našeg ranijeg Prijedloga, uz nadu da ćete i ove dopune razmotriti kao i raniji Prijedlog.

Koristimo priliku da Vam se ispred Udruženja društava za osiguranje u Federaciji Bosne i Hercegovine (UDO FBiH) zahvalimo na prilici da argumentiramo svoje inicijative kao i na uvažavanju iznesenih prijedloga.

S našim iskrenim poštovanjem

Generalni sekretar
Udruženja društava za
osiguranje u FBiH



UDRUŽENJE DRUŠTAVA ZA
OSIGURANJE U FEDERACIJI
BOSNE I HERCEGOVINE
SARAJEVO

Mr. sc. Ermin Čengić

PRILOG: Dopuna prijedloga UDO FBiH za izmjene i dopune NACRTA Zakona o zastupanju u osiguranju i posredovanju u osiguranju i reosiguranju

Dostavljeno:

- Naslovu
- Predsjedavajućem Predstavničkog doma Parlamenta FBiH
- a/a



Na osnovu konsultacija unutar Upravnog odbora Udruženja društava za osiguranje u FBiH (UDO F BiH), dostavlja se:

**DOPUNA PRIJEDLOGA
za izmjene i dopune Nacrta
Zakona o zastupanju u osiguranju i
posredovanju u osiguranju i reosiguranju**

Predmet ove Dopune Prijedloga je izmjena Nacrta Zakona o zastupanju u osiguranju i posredovanju u osiguranju i reosiguranju, i to određaba člana 4. stav (1), člana 7. stav (3) i člana 48. stav (1) alineja a) Nacrta Zakona o zastupanju u osiguranju i posredovanju u osiguranju i reosiguranju. Predložene su izmjene i dopune, kako slijedi:

1. Da se u članu 4. stav (1) izmijenja i glasi:

"(1) Zastupnik u osiguranju kao fizičko lice, pod uvjetom da je dobio ovlaštenje Agencije za obavljanje poslova zastupanja, obavlja poslove zastupanja u osiguranju na osnovu ugovora o radu, odnosno drugog pravnog odnosa sa društvom za zastupanje u osiguranju, poduzetnikom za zastupanje u osiguranju, podružnicom društva za zastupanje u osiguranju u Federaciji čije je sjedište u Republici Srpskoj, u banci ili mikrokreditnoj organizaciji (dalje u tekstu zajednički naziv: banka), u JP BH Pošta d.o.o. Sarajevo ili Hrvatska pošta d.o.o. Mostar (dalje u tekstu zajednički naziv: poštanski operateri)."

OBRAZLOŽENJE

Predložena je navedena korekcija jer smatramo da obavljanje djelatnosti zastupanja u osiguranju od strane mikrokreditne organizacije nema suštinske razlike u odnosu na obavljanje ove djelatnosti od strane banke i poštanske organizacije. Takođe smatramo da je dodavanje mikrokreditne organizacije potrebno i u cilju harmonizacije entitetskih propisa obzirom da je u Zakonu o zastupanju u osiguranju i posredovanju u osiguranju i reosiguranju RS predviđeno da i mikrokreditna društva mogu obavljati poslove zastupanja u osiguranju.

2. Da se u članu 7. stav (3) izmijeni i glasi:

"Zastupnik u osiguranju, osim ako je banka zastupnik u osiguranju, ne smije naplaćivati premije osiguranja niti ostale iznose od ugovarača osiguranja, odnosno osiguranika";

OBRAZLOŽENJE

Uvažavajući specifičnosti poslovne saradnje sa bankama / mikrokreditnim organizacijama, u kojima je ovlaštena organizaciona jedinica banke / mikrokreditne organizacije zastupnik u osiguranju, te uzimajući u obzir da iz navedenih odredaba Nacrta Zakona o zastupanju u osiguranju i posredovanju u osiguranju i reosiguranju proizlazi da je bankama (pa tako i mikrokreditnim organizacijama) ukoliko su zastupnici u osiguranju zabranjeno da naplaćuju premiju, smatramo potrebnim otkloniti potencijalne nedoumice tokom primjene ovog propisa. Naime, smatramo da nije svrha ove odredbe da zabrani plaćanja premije od strane osiguranika/ugovarača osiguranja putem banke u situacijama kada je ovlaštena organizaciona jedinica banke zastupnik u osiguranju. U smislu navedenog predlažemo izmjenu odredbe članova 7. i 48. Nacrta Zakona o zastupanju u osiguranju i posredovanju u osiguranju i reosiguranju.



UDRUŽENJE DRUŠTAVA ZA OSIGURANJE
U FEDERACIJI BOSNE I HERCEGOVINE

3. Da se u članu 48. u stavu (1) u alineji a) briše riječ "banka".

OBRAZLOŽENJE

Predložena je navedena korekcija iz istog razloga kao i izmjena u članu 7. stav 3).

S poštovanjem

Za Upravni odbor UDO FBiH

Damir Hadžić

